

դարձուցին զգէնս իւրեանց յերկիրն Պաղեստինոյ . առին զԳազա, զՌեմէ և զԻրոսպօլիս, այն է Լիւդիա, և անտի զիմեալ պաշարեցին զքաղաքն Յոպպէացւոց, ուր ժողովեալ էին բազմութիւնք Արաբացւոց զիմադիր լինել նմա . այլ 'ի սաստկանալ պատերազմին արտաքուստ, 'ի պարտութիւն մատնեցան այլազգիք, և Գաղղիացիք առին ըզ-Յոպպէ, և սուր եղեալ կոտորեցին զԱրաբացիս և զբնակիչս իսկ . զօրքն աւարի առին զքաղաքն, և մտեալ 'ի վանս Հայոց կողոպտեցին զորս գտին անդ՝ և թողին զմարանսն 'ի թշուառութեան և զվանքն սահմանեցին Հիւանդանոց զօրաց : Եւ դադարեալ զաւուրս ինչ՝ չու արարեալ զնացին 'ի վերայ Աքքէ քաղաքի, և պաշարեցին ըզնա, Մարտ 3 : Իսկ տէր քաղաքին ծէզար Փաշայ, ամրացուցեալ էր զնա և լցեալ բազմութեամբ զօրաց, և ոչ տայր թոյլ նոցա մերձենալ 'ի պարիսպն . զի թէպէտեւ Գաղղիացիք քանիցս սաստկութեամբ յարձակեցան 'ի վերայ նորա, այլ նկուն եղեալ 'ի քաջացն Օսմանցւոց յետս մղեցան, և տեւեաց պաշարումն մինչ 'ի Մայիս 10 : Եւ տեսեալ թէ չէ հնար նուաճել զծէզար Փաշայ և տիրել քաղաքին, մանաւանդ զի վտանգեալ իսկ էր բանակն Գաղղիական 'ի վերահաս ժանտախտէ, բարձին զպաշարումն և դարձան յետս, և թափեցին զցասումն բարկութեան իւրեանց 'ի վերայ Յոպպէ քաղաքի . կործանեցին զպարիսպն, արկին տուգանս 'ի վերայ բնակչաց . բաժին անկաւ կողոպտեալ վանացն Հայոց 100 քսակ արծաթոյ . զկնի աւերանաց և յափշտակութեանց, արկին հուր 'ի քաղաքն և յաճիւն դատեցին զբազում երեսելի շինուածս, ընդ որս տունք և մթերանոցք Հայոց . և յետ այսր ամենայնի չու արարեալ զնացին անդրէն 'ի կողմանս Եգիպտոսի :

